



Inatsisartuni ilaasortaq Kristian Jeremiassen, Siumut
Maani/

Ikummatissanut imerpalasunut akit annerpaaffissaannut ikaarsaarnissaq pillugu § 37 naapertorlugu apeqqummut nr. 2011-252-imut akissut

Asasara Kristian Jeremiassen

Naalakkersuisunut apeqqustitit tulleriaarlugit matuma kinguliani akineqarput.

1. Ikummatissap imerpalasup assigiimmik akeqartussaaitaanerat aappaagu atorunnaapat illoqarfinni nunaqarfinnilu sumi maannakkornit akisunerusumik akiliisoqartalernissaa naatsorsuutigineqarpa?

Assigiimmik akeqartitsineq 1. januar 2013 aallarnerfigalugu akit annerpaaffissaannit taarserneqarpat, akit annerpaaffissaasa maannakkut akit assigiinnissaasa, maannamut KNI A/S-imit aalajangersarneqartartut assigiinnassavaat. Uuliamik tuniniaasartut arlaannaalluunniit akit annerpaaffissaannit akisunerusumik literimut akeqartitsinnaassanngilaq, kisiannili akit akinut annerpaaffissamut naleqqiullugu appartittussaallugit.

Allatut oqaatigalugu ikummatissamut akiusoq assigiimmik akeqartitsinermit akit annerpaaffissaannut allannguineq tunngavigalugu qaffasinnerulissanngilaq.

Taamaattorli assigiimmik akeqartitsinerup nalaanisulli nunarsuarmi akit ineriartornerat, aammalu Kalaallit Nunaannut aamma Kalaallit Nunaata iluani uuliamik assartuussinermut, toqqorterinermut siaruarterinernullu aningaasartuutit qaffattarnerat malillugu akit allannguuteqartassapput. Kiisalu akitsuutit, tuniniaasartup soorlu uuliamik tunisisarnerminut akilersittagai sumiiffimmiit sumiiffimmut assigiinngitsuussapput. Akitsuutit taakku kiffartuunneqarnissamik isumaqatigiissummi maleruagassiuunneqarsimannginnerat tamatumunnga pissutaavoq, tamannalu suleriaatsimut atuuttumut nangitsineruvoq.

2. Assigiimmik akeqartitsinerup atorunnaarsinneqarnerani suut pitsaaqutigalugillu ajoqutigissavai?

Pitsaaqutissat: Illoqarfinni arlalinnik uuliamik tuniniaasartoqartuni akitigut unammilleqatigiittoqarsinnaanera naatsorsuutigineqarsinnaavoq. Atuisut taamaalillutik ullumikkumut sanilliullugu ikinnerusunik akiliuteqartassapput.

Ajoqutissat: Ullumikkut aggiussinermut akitsuutit il.il. assigiinngitsut atuutereerput. Uuliamik tuniniaasartup literimut akiusoq pillugu unammillertup aggiussisarnermut

18. januar 2012

Sagsnr. 2012-059885

Dok. Nr. 807344

Postboks 909

3900 Nuuk

Tlf. (+299) 34 50 00

Fax (+299) 34 54 10

E-mail: iaan@nanoq.gl

www.nanoq.gl

akitsuummik annertunerusumik atuutsitsinermigut akit appasinnerunerat taarsersinnaavaa, kisiannili tassani aamma uuliamik tunisisartut ataasiakkaat akornanni unammillerneq annertunerulersinnaasoq naatsorsuutigineqarsinnaavoq.

3. Illoqarfiit nunaqarfiillu sorliit ikummatissanik imerpalasunik tuniniaalluni unammillerfiuppat?

Maannakkorpiaq Nuummi Uummannamilu uuliamik tuniniaasartut ataatsimit amerlanerupput. Qeqertarsuarmi Ittoqqortoormiini Polaroil tunniussiveqarpoq, aammalu illoqarfinni uuliamik tuniniaasartoqarpoq.

4. Illoqarfiit nunaqarfiillu imerpalasunik tuniniaalluni unammillerfiunngitsut naatsorsuutigineqarpa akinik qaffaaffiussasut?

Naamik, illoqarfinni nunaqarfinnilu uuliamik tuniniasartunik unammilleqatigiittunik peqarfiunngitsuni assigiimmik akeqartitsinermit akit annerpaaffilerneqarnerinut allanngiineq tunngavigalugu ikummatissanut akit akinik assigiitsitsinermit qaffasinerulissanngillat.

Oqaatigineqareersutut assigiimmik akeqartitsinerup nalaanisulli nunarsuarmi akit ineriartornerat, aammalu Kalaallit Nunaannut aamma Kalaallit Nunaata iluani uuliamik assartuussinermut, toqqorterinermut siaruarterinermullu aningaasartuutit qaffattarnerat malillugu akit allannguuteqartassapput. Kiisalu akitsuutit, tuniniaasartut soorlu uuliamik aggiussisarnermut akilersittagai sumiiffimmit sumiiffimmut assigiinngitsuussapput. Akitsuutit taakku kiffartuunneqarnissamik isumaqatigiisummi maleruagassiunneqarsimannginnerat tamatumunnga pissutaavoq, tamannalu suleriaatsimut atuuttumut nangitsineruvoq.

5. Ikummatissanik imerpalasunik 2013-imiit assigiimmik akeqartussaataitanerup atorunnaarsinneqarnerani suut kingunerisinnaanera misissorneqarsimappat?

Namminersorlutik Oqartussat imaluunniit KNI-p tungaanniit sunniutissat itisilerlugit misissoqqissaarneqarsimanngillat.

Ikaarsaarnissaq unammilleqatigiinnermut oqartussaasut kissaateqarnerat tunngavigalugu pivoq, ikaarsaarnermullu atatillugu Ineqarnermut, Attaveqarnermut Angallanermullu Naalakkersuisoqarfiup aamma unammilleqatigiinnermut oqartussaasut akornanni oqaloqatigiittoqarpoq, taamaaliornikkut unammilleqatigiinnerup siuarsarneqarnerani pilersuinermit isumannaassutsip akigineqannginnissaanik aammalu innuttaasunut akit qaffannerinik tamatuma kinguneqannginnissaanik Unammilleqatigiinnermut Nakkutilliisut kissaateqarnerat qulakkeerniarneqarluni.

Suliassaqarfik pillugu apeqquteqarninnut soqutiginninninnullu qutsavigaakkit, neriuppungalu matuma siuliani allassimasut aqqutigalugit apeqqutitit akisimassallugit.

Inussiarnersumik inuulluaqqusillunga

Jens B. Frederiksen